



## Hreppsnefnd 22. maí 2008

Hreppsnefndarfundur verður haldinn fimmtudaginn 22. maí 2008 í félagsheimilinu Miklagarði kl. 16.00. Á fundinn voru mættir Anna Pála Víglundsdóttir, Eyjólfur Sigurðsson, Borghildur Sverrisdóttir, Halldóra Árnadóttir, Guðrún Anna Guðnadóttir, Björn Halldórsson og Þórdís Þorbergsdóttir. Jafnframt var mættur sveitarstjóri sem ritaði fundargerð.

Dagskrá:

1. mál Fundargerð hreppsnefndar frá 14. maí sl.  
Lögð fram fundargerð hreppsnefndar frá 14. maí sl.  
Fundargerðin síðan samþykkt.

2. mál Fundargerð hafnarnefndar frá 13. maí sl.  
Fundargerð hafnarnefndar frá 13. maí sl. lögð fram til kynningar.

3. mál Fundargerð byggingar- og skipulagsnefndar frá 13. maí sl.  
Lögð fram fundargerð skipulags- og bygginganefndar frá 13. maí sl. Björn Halldórsson spurðist fyrir 3. tl. fundargerðarinnar „Jónsver ses.“ og var því svarað.  
Fundargerðin síðan samþykkt.

4. mál Ársreikningar Vopnafjarðarhrepps A- og B- hluta fyrir árið 2007-Síðari umræða-  
Fyrri umræða ársreikninga fór fram 14. maí sl. og voru þá til umræðu Ársreikningar A-og B-hluta fyrir árið 2007, sundurliðanir ársreiknings, endurskoðunarskýrsla KPMG og greinargerð sveitarstóra með ársreikningum 2007. Á þann fund voru einnig mættir löggiltir endurskoðendur KPMG og gerðu grein fyrir endurskoðunarvinnu og svöruðu fyrirspurnum fundarmanna.  
Öll þessi gögn eru til umfjöllunar hér í dag við síðari umræðu ársreikninga ársins 2007. Sveitarstjóri gerði grein fyrir fyrirliggjandi gögnum og skýrði helstu stærðir í fyrirliggjandi ársreikningum. Að öðru leyti vísaði hann til greinargerðar sinnar með reikningunum og skýringa og gagna KPMG.  
Lagði hann síðan til að ársreikningar Vopnafjarðarhrepps A- og B- hluta yrðu samþykktir á fundinum við síðari umræðu hér í dag.  
Nokkrar umræður urðu um ársreikningana þar sem fundarmenn lýstu skoðunum sínum og spurðust fyrir um ýmis atriði, sem sveitarstjóri svaraði.

Í greinargerð sveitarstjóra með ársreikningum 2007 kemur m.a. fram að:

„Í heild var rekstrarniðurstaða ársins 2007 60,2 m.kr. á A- hluta sveitarsjóðs eftir afskriftir og fjármagnsliði.

A- hluti sveitarsjóðs skilar um 52,6 m.kr. í hagnað fyrir afskriftir og fjármagnsliði svokölluð EBITDA, en samstæðan öll, þ. e. A- hluti að viðbættum B-hluta sjóðum er rekin með liðlega 79,4 m. kr. hagnaði á sama grunni, þ. e. EBITDA.  
Heildartekjur samstæðunnar allrar voru 465,8 m. kr., en heildarútgjöld þegar tekið hefur verið tillit til afskrifta og fjármagnskostnaðar voru 451,5 m. kr. Samstæðan öll var samkvæmt því rekin með 14,3 m. kr. rekstrarafgangi og hefur þá verið tekið tillit til reiknaðra afskrifta að fjárhæð 32,4 m.kr., sem er í raun reiknuð fjárhæð sem tekin er frá til viðhalds eigna sveitarfélagsins. Ennfremur hefur verið reiknað með fjármagnsliðum sem námu, nettó 32,7 m.kr.  
Í sjóðstreymi samstæðunnar kemur síðan fram að þegar leiðrétt hefur verið fyrir afskriftum verðbótum, hagnaði og skuldbindingum er veltufé frá rekstri 42,8 m.kr. og þegar tekið hefur verið til viðbótar tillit til breytinga á rekstartengdum eignum og skuldum þá kemur fram að handbært fé frá

rekstri er 55 m.kr. Þessi fjárhæð gengur síðan ásamt seldum eignum og nýjum lántökum til greiðslu á fjárfestingum og afborgunum lána.

Að öllu þessu töldu kemur fram að handbært fé í árslok er 65,2 m.kr. en var í upphafi ársins 16,7 m.kr.

Í árslok 2007 átti Vopnafjarðarhreppur hlutabréf í HB Granda að nafnvirði 39,6 m.kr. og voru þau bókfærð á 208 m.kr. Miðað við markaðsgengi bréfanna 12 er andvirðið 475,2 m.kr. Mismunur á bókfærðu verði og markaðsvirði er því 267,2 m.kr. Rétt er þó að geta þess að markaðsgengið hefur rokkað nokkuð til.

Eins og margoft hefur verið bent á er það á hverjum tíma umhugsunarefni forsvarsmanna sveitarfélagsins hvað heppilegast er að gera við eign af þessu tagi, þrátt fyrir að ávöxtun þessara hlutabréfa hafi verið góð síðustu ár.

Gert hefur verið ráð fyrir því í 3ja ára fjárhagsáætlun 2008-2011, að tekin verði ákveðin skref í því að afsetja bréfin þ.a. andvirði þeirra nýtist sem best til góðra hluta í sveitarfélaginu, hvort heldur er til uppgreiðslu lána eða annarra hluta sem nauðsynlegir eru taldir. Þessi mál verða til nánari umfjöllunar og ákvarðanatöku á árinu 2008.“

Fyrirliggjandi tillaga sveitarstjóra var síðan borin undir atkvæði og samþykkt með 4 atkvæðum og 3 sátu hjá.

5. mál Norðausturnefndin- Kynningarfundur laugardaginn 24. maí nk. á Egilsstöðum.

Lagt fram bréf frá framkvæmdastjóra SSA, þar sem Norðausturnefndin, sem skipuð var af forsætisráðherra boðar til fundar á Egilsstöðum laugardaginn 24. maí nk., þar sem kynna á tillögur nefndarinnar, sem nefndin hefur skilað inn til forsætisráðherra.

Á fundinum var farið yfir það hvernig nefndin var skipuð, vinnufyrirkomulag og með hvaða hætti sveitarstjórnarmenn hefðu haft tækifæri til þess að gera grein fyrir tillögum sínum gagnvart nefndinni.

Talsverðar umræður urðu um framvindu þessara mála, þar sem fundarenn lýstu sjónarmiðum sínum.

Á fundinum var lögð fram svofelld ályktun:

“ Hreppsnefnd Vopnafjarðarhrepps hefur lýst yfir ánægju sinni með skipan nefndar á vegum Forsætisráðuneytisins er vinna skyldi, með tilteknum sveitarfélögum á Norðaustur hluta landsins utan svokallaðra þenslusvæða, að tillögum að eflingu atvinnulífs á viðkomandi stöðum. Við þessa vinnu hafa verið bundnar miklar vonir og væntingar um gott samstarf ríkis, sveitarfélaga, fyrirtækja og einstaklinga um tillögugerð til úrbóta.

Á hinn vænginn harmar hreppsnefnd Vopnafjarðarhrepps að í engu hefur verið orðið við skriflegum óskum Vopnfirðinga um fund með nefndinni til þess að fylgja eftir þeim hugmyndum, sem þeir lögðu inn til nefndarinnar. Jafnframt er það óheppilegt að endanlegar tillögur nefndarinnar séu lagðar inn til Forsætisráðuneytisins áður en þær eru kynntar fyrir viðkomandi samstarfsaðilum í sveitarfélögunum sem umræðir.“

Fyrirliggjandi ályktun var síðan samþykkt samhljóða.

Jafnframt samþykkt að fulltrúar úr hreppsnefnd og atvinnumálanefnd sæki boðaðan fund Norðausturnefndarinnar laugardaginn 24. maí nk.

6. mál. Auglýsing á útboði á þekju, lögnum og raforkuvirki, á nýrri viðlegu.

Lögð fram til kynningar gögn varðandi frágang þekju á nýrri viðlegu. Jafnframt kynnt auglýsing um útboð.

Um er að ræða 3.900 fermetra steipt þekju með lögnum, lýsingum og öðrum tilheyrandi þáttum. Tilboð verða opnuð 4. júní nk.

7. mál Ársfundur Byggðastofnunar föstudaginn 23. maí nk. á Egilsstöðum.

Lögð fram dagskrá ársfundar Byggðastofnunar, sem haldinn verður föstudaginn 23. maí nk.

Sveitarstjóra falið að mæta á fundinn. Aðrir sem áhuga hafa á því að mæta á fundinn hafi samband við sveitarstjóra.

8. mál Umsagnir Vopnafjarðarhrepps og Samgöngunefndar SSA um tillögu til þingsályktunar um viðauka við fjögurra ára samgönguáætlun fyrir áin 2007-2010. Viðaukann má finna á slóðinni:

[www.althingi.is/alttext/135/s/0820.html](http://www.althingi.is/alttext/135/s/0820.html)

Lögð fram umsögn Vopnafjarðarhrepps um fyrirliggjandi viðauka við samgönguáætlun 2007-2010. Í henni segir meðal annars um jarðgangakafli áætlunarinnar:

„Vopnafjarðarhreppur telur fullkomlega óásættanlegt að engar beinar fjárveitingar séu settar til rannsókna og undirbúnings á jarðgöngum milli Vopnafjarðar og Héraðs til samræmis við samþykktir aðalfunda landshlutasamtaka SSA um þessi mál allan síðasta áratug.

Slíkar fjárveitingar hafa gífurlega þýðingu fyrir tiltrú fólks um góðar og öruggar samgöngur milli svæða í framtíðinni, sem er grundvöllur fyrir því að byggjaþróun- og samvinna svæðanna geti dafnað með eðlilegum hætti. Lögð er á það áhersla að slíkar fjárveitingar verði sérmerktar á áætlunartímabilinu.

Um framkvæmd þessa hafa verið gerðar að minnsta kosti 3 skýrslur, sem allar lýsa mikilvægi ganga milli þessara svæða. Í skýrslu sem unnin var fyrir Vopnafjörð um þessi mál árið 2003, kemur fram að leiðin milli Vopnafjarðar og Héraðs stýttist um 51 km. miðað við þjóðveg 1 eða 38 % og að samskipti Héraðsbúa og Vopnafjarðinga myndu aukast um liðlega 60 %. Á þessu sést hversu mikla grundvallarþýðingu göngin hefðu fyrir svæðin sitt hvoru megin Smjörvatnsheiðar. Byggastofnun hefur og ályktað um það að göng milli Vopnafjarðar og Héraðs séu eina örugga aðgerðin til þess að tryggja vetrarsamgöngur milli þessara svæða.“

Fyrirliggjandi ályktun var síðan samþykkt samhljóða.

Á fundinum var einnig kynnt umsögn samgöngunefndar SSA frá 15. maí sl. um viðauka við Samgönguáætlun 2007-2010.

9. mál. Ýmis bréf og erindi.

a) Bréf AVS rannsóknasjóður í sjávarútvegi dags. 15. maí og bréf Nýsköpunarmiðstöðvar frá 16. maí sl. varðandi styrkumsóknir.

Lagt fram til kynningar.

b) Félags og tryggingamálaráðuneytið bréf dags 2. maí sl. varðandi dag barnsins.

Gerð var grein fyrir dagskrá sunnudagsins 25. nk. í þessu sambandi við íþróttahúsið á Vopnafirði.

Fleira ekki gert og fundi slitið.